



Bernhardus Dei Gratia, Dux Saxoniae, Iuliaci, Cliviae ac Montium,
Landgravius Thuringiae, Marchio Misniae, Comes De Marca &
Ravensberg, Dynasta In Ravenstein, &c Rector Academiae Ienensis
Magnificentissimus. L. S. : Alexandro Macedonum Rege, quem
Arrianus ... P.P. IV. Febr. die Anno MDCLVII.

Jena

Bernhard, Sachsen-Jena, Herzog

Phil 2° 00268/04 (235)

https://dhb.thulb.uni-jena.de/receive/ufb_cbu_00013435

urn:nbn:de:urmel-d907e3f1-7231-4dcf-9528-023b64546a509-00012657-19

Lizenz: <https://creativecommons.org/licenses/by-sa/4.0/>





urn:nbn:de:urmel-d907e3f1-7231-4dcf-9528-023b64546a509-00012657-19

B E R N H A R D U S
Dei Gratia, Dux Saxoniae, Juliaci, Cliviae ac Montium,
Landgravius Thuringiae, Marchio Misniae, Comes de Marca & Ravens-
berg, Dynasta in Ravenstein, &c.

RECTOR ACADEMIAE JENENSIS MAGNIFICENTISSIMUS.
L. S.



Alexandro Macedonum Rege, quem Arrianus Nicomediensis, cognomento, ut Svidas tradit, novus seu junior Xenophon, ob res maximas felicissimè gestas *οὐκ ἔγωγε γαίῃ*, hoc est, non sine providentia divina terris datum fuisse dicit, cuique virtutes & fortuna Magni nomen peperere, rebus humanis exemto, ejus ad capulum, ferunt, undique ex diversis orbis terrarum partibus confluisse Philosophos, homines sapientissimos, & unumquemque cum gemitu cumque summa tanti funeris admiratione suum de defuncto elogium protulisse atque edidisse. Dubium esse nullum potest, quin in acerbo isto luctu & mœrore, qui Serenissimam ac Celissimam domum Saxoniam, cum primis Electoralem, postquam Serenissimus ac Potentissimus Princeps ac Dominus, Dn. JOHANNES GEORGIUS, Dux Saxoniae, Juliaci, Cliviae ac Montium, Sacri Romani Imperii Praefectus Prætorio, & Collegi Electoralis Octoviralis, ut & Domus Saxonicae Senior, Landgravius Thuringiae, Marchio Misniae & utriusque Lusatiae, Burgravius Magdeburgensis, Comes Marcae & Ravensbergae, Dynasta in Ravenstein, pientissimae recordationis, anno superiori clō Ioc LVI. ad d. IIX. Eidus mensis Novembr. naturæ concessit, jam premit, non sint defuturi, & numero quidem haut parvo, tam in ipsius Serenitati olim subjectis, quam aliis quoque, quarum Duces ac Principes proximiori consanguinitate aut affinitate eandem attingunt, quorum & Nos pars sumus, provinciis, qui etsi non ad ipsum Serenissimi Electoris defuncti sarcophagum aggregati, nihilo tamen minus suis quique locis partim aliis monumentorum generibus, ad supremos beatissimi Electoris honores quæ faciunt, partim, & præprimis quidem, *λέγουσιν* seu orationibus parentalibus & funebribus ejusdem memoriam ac virtutes secuturam ad posteritatem sint transmissuri: iisdemque multò felicius ac certius ab omni oblivionis putredine vindicaturi, atque olim Ægyptii, Babylonii, alique populi suâ conditurâ ex myrrha, aloe, cedro, melle, sale, cera, bitumine & resinâ confectâ, mortuorum cadavera servare diutius & à corruptione prohibere valuerunt. Neque enim ullis condimentis, nullis artibus rescindi divinum illud decretum unquam potest: pulvis es & in pulverem reverteris. Quia ergo postquam nudius tertius Dresdæ, sæpius laudato Serenissimo quondam Electori, solennitate ac pompâ tanto Principe ac Heroe, qui verè Sacri Rom. Imperii columen & columna vivus audiit, dignâ exsequiæ factæ, pariter hodiernâ die Freibergæ, ubi ad cineres majorum suorum in conditorio avito inter manus lugentium seponetur, apparantur, vestræ quoque, Vos, in hac Salana, studiorum nutrice, qui vitam degitis, pietatis & officii est, in partem exsequialium istorum honorum suo modo, etsi corporibus absentes, animis tamen præsentis ut veniatis. Venietis, ubi ad Orationem parentalem, quâ pios Serenissimi quondam Electoris manes, Vir perquam Reverendus, Amplissimus, Excellentissimus, Nobis singulariter dilectus, Dn. *Johannes Ernestus Gerhardus*, SS. Theol. D. ejusdemque Prof. Publ. & Facultatis suæ hodiè Decanus, auctoritate Amplissimi Senatus Academici, hac die ad hor. *Xcimam promerid. in ade Sacra Collegio Academico contiguâ*, prosequetur & cohonestabit, auribus vacivis & attentis auscultandam denso agmine apparueritis. Ita censemus & monemus. P. P. IV. Febr. die Anno clō Ioc LVII.

Literis JOHANNIS NISII.

urn:nbn:de:urmel-d907e3f1-7231-4d
cf-9528-023b64546a509-00012657-25